

1 JÓÁA

Tujkénú Jóáa cáátúnuháámi

Mepájtyeténé uubálleju

¹ Ámúhake ó caatúnú Crijtodítýú dííbyej tééverí Píívyéébe meke pájtyetétsóóbedítýú íjcyané uubálle. Diibyéhjáa ihdyu íjcyaduré ícyahíjcyá ipíívyema íjcyátuube ííñujíi ípívyéévéétúné ihdéjuco. Áábekée muha maájtyúmíibe íhjuváné muha melleebóhi. ² Aabée bóhówáávéébedítýú íjcyané uwááboju íñe ámúhake ó úúbállehíjcyá múijyú medsíjívéjúcóóítýúne bóhí dííbyedítýú meújcúné uwááboju. Aabéhjáa ihdyu íjcyaduré Cááníma ícyahíjcyároobe botsíi méhdivu bóhówaavéhi. ³ Aanée páneere dibye méénunéhjí muha máájtyumíhi. Áhdurée dibye íhjuváné muha melleebóhi. Aane ámúhake ó úúballé ímí tsame meíjcyame menáhbévájcatsí íñe muhdú muha Cááni Píívyéébeé, diibye Ílli Jetsocríjtoó, íjcyámútsima meíjcyadu. ⁴ Aane ámúhake ó úúballé tééneri ámuha meímíjyuúki.

Píívyéébedi ímiáájju

⁵ Ááné uwáábojúu dííbyere Jetsocríjtó múúhakeye úwaabóné íñe ámúhakeye ó úúballé Píívyéébe ímiáábé íjcyáábedi ííne ímítýú íjcyatúne. ⁶ Áábeke 'ímí ó úraavyé' menéérome ímítýunéhjí meméénúhajchíi íllure máallíhi. ⁷ Áánetu ímiáábé dibye íjcyadu

meíjcyáhajchíí ímí ménahbévájcatsí pamévamáye. Áijyu tsá íná máhallurí íjcyájúcootú tsúúcajáa Ílli Jetsocríjtó ítyujpácyó iwáágóóneri páneere méimityú ímíbájchónéllíihye.

⁸ Áánetu ímityúmé meíjcyarómé ‘tsá ímityuube o íjcyatúne’ menéhajchíí íllure máállímyeímyé pañe tsá ímiáájú íjcyatúne. ⁹ Árónáa ihdyu Píívyéébe ímiáábé íjcyabe íñéhdú méénúúbeke méimityuháñé meúúbálléhajchíí méhdi ídáátsóvéne mééma ímíbájchoobe páneére. ¹⁰ Áánetu ‘tsá múijyú íné ímityú o méénutúne’ menéhajchíí Píívyéébeke állíu múnáájpídi médillóhi. Aane ehdu menéeme tsá ímí dííbyé uwááboju mecáhcújtsotúne.

2

Críjto mépiááboobe

¹ Ámuúha Llihíúmuj, ícyooca íñe ámúhakye o cáátúnúné pañe o nées ámuha ímityúné meméénútuki. Árónáa ihdyu ímityúné meméénúhajchíí Jetsocríjtó ímiáábé mépiááboobe íjcyabe meke Méécáání húmíj pínévú píaabóhi.

² Muuráhjáa pájámeííbyé méimityuháñé mééma ímíbájchoki. Árónáacáa tsá apáámyéllíihyére méhllíí díbye dsíjívétúne. Muuráhjáa pámeere míamúnaa ííñújiri íjcyáméllíi dsíjíveébe.

³ Aane muurá ihdyu Píívyéébé taúhbajúúné néhdú meíjcyánetu méwaajácú ímiááné dííbyeéjté meíjcyane. ⁴ Áánetu tsaate ‘dííbyeéjté muúha’ néérome dííbyé taúhbajúúné néhdú íjcyatúmé állíu múnaa. Áámé pañe tsá ímiáájú íjcyatúne.

⁵ Muurá ihdyu Píivyéébe néhdu meíjcyame dííbyeke méwajyúhi. Áánetu méwaajácú ímiáané dííbyeéjté meíjcyane. ⁶ Áánéllii múu tsaate 'Píivyéébeke ímí ó úraavyéhi' nééme ijcyá muhdúhjáa ííñújiri Jetsocríjtó icyahíjcyádu.

Tsiiñe taúhbaju bóhówaavéne

⁷ Ámuúha táñahbému, íñe ámuúha éllevu o cáátunúne tsá béhné taúhbaju íjcyatúne. Muuráhjáa ihdyu tsúúcajátújuco ámuúhama tene íjcyane. Áánéllii tsúúca ámuha teene méwaajácúhi. ⁸ Áronáa béhnéuvúdu ámuúhake ó nehíjcyá muhdú Críjto meke wájyudu ámuha mewájyújcatsíki. Muurá tsúúca ímityúné ámuha meícyahíjcyané meíhvéjtsóne ímiáájurjúco meúraavyéne.

⁹ Aane muurá 'ímiáájú ó úraavyéhi' menéérome ménahbémuke menéhnílléhajchíí ímityunéjcuréi meúraavyéhi. ¹⁰ Áánetu ihdyu ímiáané ímiáájú meúraavyémé méwajyú ménahbémuke. Aame tsáhájuco ímityúné pañévú memújtatúne. ¹¹ Áánetu ménahbémuke menéhníllémé ímityúné pañe méijcyáhi. Aame teene meke mújtatsómé méijcyá éhne múúne hállúvatúme íjcyadu wáájácúmeityúme.

¹² Aane íñe ámuha áátsimédú menéémeke ó caatúnú tsúúca Jetsocríjtoj téeveri Píivyéébe ámuúhadi ídáátsóvéne ámuúhá ímityú ímíbájchómeke.

¹³ Aane ámuha kéémejtéké ó caatúnú tsúúca Jetsocríjtoke páneeréikyée ípívyéévévótúné íhdéjuco íjcyáábeke ámuha mewáájácúnéllíihye. Áhdure ámuha ováhtsámuke ó caatúnú tsúúca ámuha Naavéneke metáhjánéllíihye. Áhdure ámuha

tsiiméké ó caatúnú tsúuca Méécáánikye ámuha ímí mewáájácúnéllíhye.

¹⁴⁻¹⁵ Ahdícyane pámeere kéémejtémá ováhtsámú tsúuca Píívyéébeke ímí ámuha meúraavyémé Naavéneke metáhjame tsá múu íjyácunújúcootú ííñújíénéhjiri. Muurá tsaate ténéhjiríyé íjcyame tsá Píívyéébeke wájyutúne. ¹⁶ Muurá páneere ííñújíene tsá Píívyéébedítýú tsáátune. Naavenedítýuré tsááne méjpiíyi ímityúné meméénúíyóneri meúmúúpivyéne, ñná méíténeri meúmúúpivyéne, meéhnéváneri memítýájkímyeíñe. ¹⁷ Áronéhjí muurá páneere tééjima wágóóóveéhi. Áánetu ihdyu Píívyéébe ímillédú ícyahíjcyámé tsá mújyú muhdú íjcyáityúne.

Ímiááju

¹⁸ Ahdícyane, ámuúha Llihíúmuj, tsúuca ííñuji mééma níjkévaáhi. Muurá tsúuca ámuha méwaajácú tééné ihde Crijtóke múnáátsohíjcyaaabe bóhówááveíñe. Muurá tehdu néeme mítyaméjuco méhdivu bóhówáávénetu méwaajácú tsúuca ííñuji mééma níjkévaíñe. ¹⁹ Muuráhjáa tujkénú meke íñáhbévahíjcyáróne méhdityu íhvetémé ímiá nahbémú íjcyátúnéllíhye. Ímiá nahbémúu íjcyaca tsá ditye méhdityu dówáávéítýuróne. Áánetu méwaajácú ménahbémú ditye íjcyatúne.

²⁰ Áánetu ihdyu tsá ámuha diityédú menéétune. Muurá ihdyu tsúuca Píívyéébé Apííchó ámúhá pañe íjcyánéllii ámuha méwaajácú ímiááju. ²¹ Tsá idyé ámuha mewáájácútúnéllii ámúhakye o cáátúnutúne. Muurá tsúuca ámuha méwaajácú keená állíuré

íjcyane. Áánéllii ámuhákye ó caatúnú ámuha maállítsámeityuki. ²² ¿Aane caatyé íñe diitye állíu múnaa? Jetsóó Críjto Mepájtyetétsoobe íjcyatúné néhijcyámé muurá állíu múnaa. Aame íllure dííbyeke ehdííwállehíjcyá Cááni Píívyéebema diityétsikye icyáhjútsótúnéllííhye. ²³ Muurá Íllíkye cáhcújtsótúmema tsá Cááni Píívyéébe íjcyatúne. Áánetu ihdyu dííbyeke cáhcújtsómema íjcyaaábe.

²⁴ Aane muhdúhjáa ámuha tsúúcajátújuco teene melléébone ímí mecáhcújtsóhajchíí íñé ímíjyaú ámuha méíjcyaa Méécááni Píívyéébeé, Ílli Jetsocríjto, íjcyámútsima. ²⁵ Muuráhjáa dííbyere Jetsocríjtó néé múijyú medsíjivéjúcúoóítyúne bóhívu meke íajcune.

²⁶ Ehdu íñe ámuhákye ó caatúnú tsaate ámuhákye mújtátsóíyóné íhdétu.

²⁷⁻²⁸ Áronáa tsá múha ámuhákye állítyuró Píívyéébé Apííchovu tsúúca Jetsocríjtó ámuhákye ájcúmeke. Áánéllii tsá múha ámuhákye úwáábóítyuró téenere ámuhákye úwáábohíjcyánéllííhye. Áané uwááboju muurá tsá állíu íjcyatúne. Ahdícyane, ámuúha Llihíúmuj, ímíñeúvú meíjcyá Críjtoma muhdú Píívyéébé Apííchó ámuhákye túkévejsódú múijyú tsiíñe díbye tsáácooca íñerí núcójpívetúmé tsaímíyé dííbyeke ámuha mewáátsúcúpéjtsoki. ²⁹ Muurá ámuha mewaaajácú Jetsocríjtó ímíáábé íjcyaaabe múijyú ímityúné méénutúne. Ahdu íjcyame Píívyéébej tsíímé íjcyáhi.

3

Píivyéébej tsíime

1 Cáhawáá méijtsúcunu muhdú Píivyéébe mityane meke iwájyúnéllii ítsíímedi díllone. Aame ímiáané dílbyej tsíímé méijcyáhi. Áánetu dílbyeke cáhcújtsoúmé tsá wáájacutú dílbyeéjté mejcyane dílbyeke iwáájacútúnéllíhye. ² Ámuúha táñahbému, ímiáané tsúuca dílbyej tsíímé mejcyarómé tsáhái ímí mewáájacutú muhdú mejcyaíñé nihñévúre. Áronáa méwaajacú Críjto meke újcúvácooca dílbyeduréjuco mejcyaíñé dílbyeke maáptyúmííñéllíhye. ³ Muurá ímiáané dílbyeke mecáhcujtsómé métsúúrameíhijcyá ímiááameréjuco mejcyaíyóneri díbye íjcyadu mejcyaiki.

⁴ Áánetu ímityúné meméenuhíjcyámé Píivyéébé taúhbaju íllure méehdíívalléhi. Muurá tsá díbye ímíllétú ímityúné meméénune. ⁵ Muurá ámuha tsúuca méwaajacú Jetsocríjtóo mújyú ímityúné méénútuube ííñujívú tsááne méimítyuháñé méhdityu iwáágóoki. ⁶ Aane pámeere ímí dílbyema íjcyame tsá ímityúné méénutúne. Áánetu ímityúné méénuhíjcyámé tsá dílbyeéjté íjcyatúne. Aame tsá dílbyeke wáájacutúne. ⁷ Ahdícyane, ámuúha Llihíúmuj, tsáama tsaatédívú máállítsámeídíñe. Muurá ímiáánéré méénuhíjcyámé ímiáámé íjcyá Jetsóo íjcyadu. ⁸ Áánetu Naavéneéjté íjcyame ímityúné méénuhíjcyá tsúúcajátújucóo díbye íjcyadu íjcyánéllíhye. Áánéllíhyée muurá Píivyéébé

Hajchi tsáá ííñujívú dííbyeke ityáhjáne dibye tútávajtsonéhjí íímíbájchoki.

⁹ Aane ímíááné Píívyéébej tsíímé meíjcyame tsáhájucó ímityúné meméénutú béhné íjtsaméivúréjucó dibye meke ájcúnéllíhye. Aame tsáhájucó ímityúmé meíjcyatú tsúúca íítsíímedi dibye meke díllome. ¹⁰ Aane muurá méwaaajácú caatyé Píívyéébej tsíímé íjcyane. Áhdure méwaaajácú caatyé Naavénej tsíímé íjcyane muhdú ditye íjcyánétúre. Muurá ímityúné meméénuhíjcyámé ménahbémuke mewájuryutúmé tsá Píívyéébeéjté meíjcyatúne.

Mewájuryúcatsíñe

¹¹ Muurá ámuha méwaaajácú tujkénúu meúwáábójcatsíñé muhdú mewájuryúcatsííyóne.

¹² Aame tsá meíjcyatú Caííúvúhjáa íjcyadu. Muuráhjáa Naavéneéjpi íjcyánéllíi íñáhbeke lííhyanuúbe. Aanée ¿íveekí líihyanuube íñáhbeke? Díbyéhjáa múhdurá méénúnáa íñahbe ímí méénune itsáílléne dííbyeke líihyanuúbe.

¹³ Áhdícyane múhdurá méíjtsúcunúdí ámúhake Píívyéébeke cáhcújtsotúmé néhnílléhajchííjyu, ámuúha táñahbému.

¹⁴ Muurá méwaaajácú Píívyéébeéjté meíjcyame ménahbémuke mewájuryume múíjyú medsíjívéjúcóóítyúne bóhíma meíjcyane. Áánetu íñahbémuke wájuryutúmé tsá téénema íjcyatúne.

¹⁵ Muurá dsíjívétso múnaádú nééme íñahbémuke nehnílléhi. Aane muurá ámuha méwaaajácú tsíjtyeke ídsíjívétsóíyóneri íjyácunúhíjcyámema múíjyú medsíjívéjúcóóítyúne

bóhí ijcyatúne. ¹⁶ Muurá méwaajácú muhdúhjáa Jetsocríjtó meke iwájyune úújetsóné idsíjíveneri. Ahdu téhdure ménahbémuke méúújétsóiyá diityéké mewájyune. ¹⁷ Ditye pihónetu diityédí meídaátsóvéne mepíáábótúhajchíí tsá ímiááneturé Píívyéébeke mewájyutúne. ¹⁸ Ámuúha átsíímédú ámuha menéémeéj, tsá múu apááñéré ihjyuri íñahbémuke wájyutúne. Múu ímiááné diityéké iwájyune úújetsó diityéké ipíáábóneri.

Píívyéébema ímí meíjcyane

¹⁹ Ehdu meméénune ímiáánéjucó ímiáájú meúraavyéne. Aame méwaajácú ímiááné ímí Píívyéébema meíjcyane. ²⁰ Muurá ímityúné meméénune méwaajácúhi. Aane Píívyéébe íiná túhúúlléébejéíí waajácú muhdú meícyahíjcyáne. ²¹ Ámuúha táñahbémuj, muurá ímityúné meméénútúcooca méwaajácú ímí Píívyéébe meke íjtsúcunúne. ²² Aabe meke ajcú páneere dííbyeke metáúmeíñé dííbyé taúhbajúúné mecáhcújtsóne díbye ímillédú meíjcyámeke. ²³ Meke muurá táuhbaabe Ílli Jetsocríjtoke mecáhcújtsóne mewájyújcatsí muhdú meke díbye wájyudu. ²⁴ Díbye meke néhdu meíjcyame ímí dííbyema meíjcyáhi. Aame méwaajácú mééma díbye íjcyane Ípííchó mépañévú ipícyóónej téeveri.

4

Ímiáájú Píívyéébedítyú tsááneé

¹ Ámuúha táñahbémuj, tsá múu peecútéré cáhcújtsotú tsaate ámuháma Píívyéébé icyánéjcuri

ihjyuváne. Tujkénú múu ímíñeévú ijtsó iwáájácu ímiááné dííbyedítú tene ijcyáhajchíjyu. Muurá mítyame állíu múnaa dííbyé ihjyú uubálle múnáadi idíllómeíñe úwáábohíjcyáhi. ² Aane cáhawáá ámúhake o nées muhdú mewáájacúné ímiááné Píívyéébé Apííchó túkevéjtsori úwáábohíjcyámeke. Muuráhjáa ihdyu Jetsocríjtó Píívyéébé Hajchi ijcyabe Míamúnáájpídívú ípívyéévéne ííñújívú tsáane cáhcujtsómé úwáábohíjcyá Píívyéébé Apííchó túkevéjtsóneri. ³ Áánetu teene cáhcujtsotúmé tsá téené túkevéjtsori úwáábotúne. Críjtó munáajpi Naavéné apííchó túkevéjtsoríyé úwáábohíjcyáme. Aane diityé uwááboju tsúúca ijcyá ííñújiri éhnée éjyújuco téené uubállé ámuha melléébone.

⁴ Ámuúha Llihíúmuj, muurá Píívyéébeéjté ámuha meijcyame tsúúca diityéké métahá diityemá ijcyáábé ihnáhó éhnííñevu ámúhama ijcyáábé ihnáhó ijcyánéllíihye. ⁵ Iji múnaaré íjcyánéllii míamúnáadítúuré tsáané íjtsaméi ditye úwaabóné diitye míamúnaa lleebúacunúhijcyá téhdure tééji múnaa íjcyánéllíihye. ⁶ Áánetu ihdyu Píívyéébeéjté meijcyánéllii téhdure dííbyeke wáájacúmé meke lléébohíjcyáhi. Áánetu dííbyeke wáájacutúmé tsá meke lléébotúne. Ááneturé méwaajácú caatyé ímiááné Píívyéébé Apííchó túkevéjtsori úwáábohíjcyáne, áánetu caatyé álliuré Naavéné apííchó túkevéjtsori úwáábohíjcyáne.

Píívyéébe meke wájyune

⁷ Áánéllii metsu Píívyéébedítúú tsáané íjtsaméima meijcyame mewájyújcatsíki, ámuúha

táñahbémuĵ. Muurá mewáĵyúĵcatsíñeri méúúĵetsó ímiááne dííbyej tsíímé meĵcyame dííbyeke mewáájacúne. ⁸ Áanetu tsĵtyeke wáĵyutúmé tsá dííbyeke wáájacutúne. Muurá dííbyej tsíímé íĵcyaca tsĵtyeke wáĵyúiyá muhdú dibye meke wáĵyudu. ⁹⁻¹⁰ Muuráhjáa méicyáneĵcutu dííbyeke mewáĵyútúrónáa meke mítyane iwáĵyune úúĵetsoobe apáábyéré Ílli ĵcyáábeke ííñúĵívú dibye wálloobe dsĵíívénej téeveri méimítyuháñé ábájíívemeímyé múĵyú medsĵíívéĵúcóóítyúné bóhí meúĵcuki.

¹¹ Áánélli méwáĵyúĵcatsíiyáhi, ámuúha táñahbémuĵ. ¹² Muurá dííbyeke múĵyú maáĵtyúmíturómé mewáĵyúĵcatsíhajchíí méwaaĵacú Íapííchó mépañe ĵcyane. ¹³ Áánevu meke dibye áĵcúnélli méwaaĵacú ímiááne dííbyeéĵté meĵcyane. ¹⁴ Muuráhjáa muha Ĵetsocrĵtoke maáĵtyumímé íñe méúúbállehĵcyá Méécáání dííbyeke ííñúĵívú wálloone dííbyej téeveri pámeere míamúnáake ípáĵtyetétsoki. ¹⁵ Aane Ĵetsóó Píívyéébé Hajchi ĵcyane mecáhcúĵtsóne dííbyedívú mecátsípaavémé tsaímíyé Píívyéébema méĵcyámé pañe ĵcyaabe Íapííchoĵ téeveri.

¹⁶ Aane dibye meke wáĵyune mewáájacúnélli dííbyeke mecáhcúĵtsóne dííbyedívú mecátsípaávehĵcyáhi. Muurá ihdyu íĵcyaduré meke wáĵyuúbe. Aane pámeekéré mewáĵyume ímí dííbyema meĵcyámema idyé ĵcyaabe Íapííchoĵ téeveri. ¹⁷ Muuráhjáa muhdú Ĵetsocrĵtó ííñúĵiri ĵcyadu meĵcyáneeri méúúĵetsó ímiááne

dííbyeke mewáyyune. Aabe meke wáyyúnéllii tsá meíllityétú nihñéétsihvúré mééma dibye muhdú meícyahíjcyáné ímíbájchóíñeri. ¹⁸ Muurá meke wáyyúmedi tsá meíllityétúne. Áánetu meke wáyyútúmeke méillí ditye meke ímítýú dáríívéíyónéllíihye. Muurá tsaate meke wáyyune mewáájácútúnéllii diityéké méíllíiyáhi.

¹⁹ Árónáacáa ihdyu Píívyéébe tsúúcajátújuco meke wáyyune mewáájácúnéllii dííbyeke méwajyúhi. ²⁰ Áánetu ‘Píívyéébeke ó wajyúhi’ menéérome ménahbémuke menéhnílléhajchíí íllure máallíhi. ¿Muhdú maájtyúmírómeke mewáyyúmejííva Píívyéébeke méwajyuú awáá maájtyúmííbekéjíívari? ²¹ Árónáacáa meke neebe dííbyeke mewáyyúne téhdure ménahbémuke mewáyyuki.

5

Ímityúné metáhjane

¹ Muurá Jetsóó Mepájtyetétsóóbeke mecáhcújtsóóbedívú mecátsípaavémé méijcyá Píívyéébej tsííme. Aane dííbyeke wáyyume téhdure íítsíímeke wajyúhi. ² Aane dííbyeke mewáyyúnéllii dibye meke néhdu meíjcyame téhdure tsijtye dííbyej tsíímé íjcyámeke ménahbémuke méwajyúhi. ³ Muurá dibye néhdu meíjcyáneri méúújsetsó dííbyeke mewáyyune. Aane tsáháturo túhuutúne. ⁴ Muurá dííbyej tsíímé meíjcyame ííñújí imítýuháñé métahjá Jetsóoke mecáhcújtsóóneri. ⁵ Píívyéébé Hajchi dibye

Íjcyane mecáhcujsómé métahá panévaré meke tútávájtsóiyóne.

Jetsóó Píívyéébé Hajchi

⁶ Muurá méwaajácú Jetsóó Píívyéébé Hajchi Íjcyane díbyée tsójtsótsámeicyooca Ílli díbye Íjcyane dííbyere Píívyéébe cáámetu néénéllíhye. Áhdurée díbye dsíjívécooca úújétsoobe Ílli díbye Íjcyane. Aane muurá Íapííchó méhdivu bóhówátsohíjcyá ímiááné tene Íjcyane. ⁷ Muurá íjcyámé níjkyéjiri pápihchúúmeva Píívyéébé Hajchi Jetsóó Íjcyane néémeé: Díbye páñetu Ílli Jetsocríjtoo, Cáánií, Íapííchoo, éhdume. Aame pápihchúúmeva Íjcyame tsáápiiyéro. ⁸ Téhdure íñe íñújiri pápihchúúneva teene bóhówajtsóhi: Díbyée tsójtsótsámeicyooca Cááni nééneé, díbyée dsíjívécooca tsiíñe dííbyere nééneé, Íapiichó meke néhíjcyánee, éhdune. Aane pápihchúúneva Íjcyane tsanééré méhdivu bóhówajtsóhi. ⁹ Muurá mecáhcujsó míamúnaa meke nééneé. Aanéjii muurá mecáhcújtsóiyá Píívyéébe meke nééneé. Muurá dííbyere meke néé Jetsóó Ílli Íjcyane. ¹⁰ Áánéllii pámeere dííbyeke cáhcujsómé waajácú íííbúuri ímiááné Píívyéébé Hajchi díbye Íjcyane. Áánetu teene cáhcújtsotúmé állíu múnáajpidi dílló dííbyeke. ¹¹ Árónáa neebe Íllíj tééveri meke íajcuíñé mújyú medsíjívéjúcúóóityúne bóhíívu. ¹² Aane pámeere dííbyé Hájchima Íjcyame tsúúca teene ujcúhi. Áánetu dííbyema Íjcyátúmedi tsá tene Íjcyatúne.

Nihñéénéré túkevétsoju

13 Ehdu íñe ámuhákye ó caatúnú Píívyéébé Hájchikye ámuha mecáhcújtsómeke ámuha mewáájácu tsúúca ámuha mújyú medsíjívéjúcóótyúne bóhíima meíjcyane.

14 Muurá méwaajácú Píívyéébe ímillédújuco tene néhajchíí dííbyeke metáúmeíñé díbye meke lléébone. 15 Áánéllii méwaajácú díbye meke píááboíñé páneere dííbyeke metáúmeíñetu.

16 Aane tsaapi ménahbe ímityúné méénúhajchíí múu dííbyé hallúvú píáábó táúmeí Píívyéébeke díbye dííbyedi ídáátsóvéne dííbyé ímityú íábájííve díbye téené déjúcotu ídsíjívétuki. Árónáa íjcyané tsane ímityúné meméénúné déjúcotu medsíjívéiyóne. Aane téenéeméné díbye méénúhajchíí metáúmeídí píáábó dííbyé hallúvu. 17 Muurá páneere Píívyéébe ímíletúné meméénunéhjí ímityúne. Árónáa íjcyané tsane téené déjúcotu medsíjívéiyóne.

18-19 Árónáa méwaajácú ímíáané Píívyéébeke mecáánívahíjcyámé ímityúné pañévú meúcaavéjúcootúné dííbyé Hájchi meke Naavéné mújtátsóiyónetu téhmehíjcyánéllííhye. Áánéllii muurá tsá díbye meke mújtátsóityuró Píívyéébeéjté meíjcyámeke. Áánetu íñe múhdumé ííñújiri íjcyané míamúnaa Píívyéébeke cáhcújtsotúmé dííbye Naavéné hójtsí pañe. 20 Muurá méwaajácú Píívyéébé Hájchíí tsááne ííñújívú meke iwáájácútso muhdú ímíáábé Cááni íjcyane dííbyema ímí meíjcyaki. Aame ícyooca ímí dííbyema meíjcyá Ílli Jetsocríjtoma

meíjcyánéllíhye. Aane ímiáábé Píívyéébe íjcyaa
meke ajcú mújyú medsíjivéjúcóóítyúne bóhíívu.
²¹ Ahdícyane, ámuúha Llihíúmuj, óvíjyacóóné
dííbyedítyú ámúhake mújtátsóíyonéhjí ámuha
mecáánívahíjcyáne. Áyu tehdújuco.

Píívyéébé ihju: jetsocríjyodítyú cáátúnuháámi
New Testament in Bora (PE:boa:Bora)

copyright © 2008 Wycliffe Bible Translators, Inc.

Language: Bora

Translation by: Wycliffe Bible Translators, Inc.

Boara [boa], Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Bora

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 21 Feb 2024 from source files
dated 29 Jan 2022

6f878dbd-e896-5e27-b788-1442926dfc48